



Inatsisartuni ilaasortaq Juliane Henningsen, Inuit Ataqtigiit
MAANI

Canadamut paasisassarsiorluni angalanermut tunngatillugu § 37 naapertorlugu apeqqutit nr. 2015-165 JUHE-miittunut akissutit

Inatsisartut suleriaasianni § 37 naapertorlugu Naalakkersuisunut ataani apeqqutit saqqummiussimavatit, matumuunalu akissuteqarfigineqarput.

10. juli 2015
Id nr: 637562

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: isiin@nanoq.gl
www.naalakkersuisut.gl

1. Paasisassarsiorluni Canadamut angalaneq pillugu Inatsisartut Aatsitassanut Ataatsimiititaliaat soq ilisimatinneqarsimangila?

Akissut: 2010-mi Canadamut, aamma 2014-imi Australiamut paasisassarsiorluni angalareernerup kingornatigut pisunut assingusumik Canadami paasisassarsiorlutik angalanertik pillugu angalanermit nalunaarusiap tamanut saqqummersinneratigut Naalakkersuisut ilisimatitsinissaq toqqarsimavaat. Innuttaasut amerlasuut angalanermit imaqarnilianik saqqummiussaniillu takusaqarsinnaanissaat Naalakkersuisut pingaartuutippaat, taamaalillutimmi innuttaasut namminneq isummersinnaassapput.

Aatsitassanut inatsimmi § 4, imm. 3 malillugu suliarisat aalajangiiffiginissaat sioqqullugit inuiaqatigiinnut imaluunniit avatangiisunut annertuumik sunniuteqarsinnaasunik sulianik pissutsinillu Inatsisartut ataanni ataatsimiititaliaq pingaarutilik Naalakkersuisut ilisimatittassavaat. Inatsisip peqqussutigisaatut ilisimatitsinissamik pisussaaffiusumut Canadami, ilaatigut canadamiut oqartussaasuunik namminersortutullu ingerlatseqatigiiffinnik ataatsimeeqateqarnerit imminermi inuiaqatigiinnit ilaasuunnginnerat Naalakkersuisut nalilersorsimavaat. Taamaassappammi ataatsimeeqattaarnerpassuit pillugit ilisimatitsissuteqartoqartariaqartassaaq, tamanna Naalakkersuisut nalilersuinerat naapertorlugu inatsisaasumut siunertaasimangilaq.

2. Paasisassarsiorluni angalanissamut tassunga Inatsisartut Aatsitassanut Ataatsimiititaliaat soq qaaqquneqarsimangila?

Akissut: Angalanermut peqataasinnaasimagaluartut ilaassannginnerannik Naalakkersuisut piaralutik toqqaasimangillat. Kuannersuarni suliniutip nunami sumiiffigisaa pissutigalugu najugaqarfittut inuiaqatigiinni uranimik suliniut inuiaqatigiinni aningaasaqarnermi sunniutaasunut naleqqiullugu Kommune Kujalleq ilisimasaniq misilittakkanillu pissarsiorinissaq kissaateqarsimavoq.

Ilisimaneqartut Naalakkersuisut aamma Inatsisartuni Aatsitassanut Ataatsimiititaliaq 2014-imi Australiamut assingusumik angalanissaq aqqqissuuppaat.

3. Angalasimaneq pillugu nalunaarusiaq Namminersorlutik Oqartussat nittartagaanni qaqugu saqqummiunneqassamaarpa?

Akissut: Aasami sulinnqiffeqarnerup kingorna, nutserneqarnera apeqqutaalluni.

4. Soqutigisaqaqatigiinnik uranimik piiaanissamik akerliusunik angalaqatigiit tikeraarnerminni ataatsimeeqateqarpat?

Akissut: Soqutigisaqaqatigiit kattuffiat aalajangersimasoq, uranimik saqqummiusamisut akerliusoq pinnagu. Angalaqatigiit oqartussaasut, kattuffiit ingerlatseqatigiillu sorliit naapissimaneraat tamanut saqqummiunneqartutut nalunaarusiami aamma takuneqarsinnaassaaq. Assersuutigalugu angalaqatigiit attaveqarfinni arlalinni nunap inoqqaavinik sinniisoqartunik oqartussaasoqarfinnit suliffeqarfinnillu sinniisuutit naapippaat. Tamanna aatsitassarsiornermik ingerlatseqatigiiffinnik isumaqatiginninniarnerni nunap inoqqaavinik sinniisoqartitsinissamut tunngatillugu, aammattaarli uranimik suliniutini peqataatitsiniarlunilu sapinngisamik annertunerpaamik najukkami tunngaveqartitaqartitsinissap qulakkeerniarneranut tunngatillugu.

5. Canadamut angalanermi innuttaasunik paasissutissiinissat innuttaasunillu peqataatitsinissaq pillugit Naalackersuisut sunik tigussaasunik pissarsiaqarpat?

Akissut: Canadamut tikeraarnerminnut atatillugu Naalackersuisut tigussaasunik pissarsianik misilittakkanillu assigiinngitsorpasuaarnik pissarsisimapput. Misilittakkat taakku, kiisalu ataatsimiinnernit imaqarniliat www.naalackersuisut.gl-imi tamanut saqqummiunneqartussami urani pillugu nalunaarusiami takuneqarsinnaassaput. Piviusutut taaneqarsinnaavoq uranisiorluni suliniutit pilersaarusiorneqaraangata ingerlatseqatigiiffiit, oqartussaasut aammalu innuttaasut akornanni attaveqatigiinneq ilisimatitsinermillu siaruaassuineq pingaaruteqartuusut. Tamakkulu suliniutit pillugit ilisimatitsiniarnermut, aammalu tassunga tunngasutut suliarisat assigiinngitsut pillugit ilisimatitsiniarnerit atugaapput, aammattaarli ingerlassap ingerlanerata nalaani paatsoorsinnaanerit peerussortinniarlugit. Tamanna ilaatigut Saskatchewanimi najukkami naalackersuisuusut inerniliissutigaat.

6. Nunarsuatsinni nunanut allanut aatsitassarsiorfiusunut, ass. Uranimik, paasissarsiorluni angalanissamik allanik Naalackersuisut pilersaaruteqarpat?

Akissut: Piffissami matumani angalanissamik allanik pilersaaruteqartoqannngilaq.

Inussiarnersumik inuulluaqqusillunga

Vittus Qujaukitsog

